

Perleges rubras majorum leges.

Et *Persius Satyr. 5.* ita cecinit:

Excepto si quid Masuri Rubrica vetavit.

Atque indè titulos librorum dictos volunt, nimirum à tutuli similitudine. Est autem tutulus *Festo* flaminearum capitis ornamentum, extructum in altitudinem, quòd fit vittâ purpureâ crinibus in-nexâ; hînc *Martialis*:

Rasum pumice, purpuraque cultum.

Miniatores idè dicuntur, qui librorum inscriptiones & capita Minio ornant. Vid. *Mag. cap. 14. lib. 1. Sim. Scharidius in Lexic. juridic. ad voc. Rubric.*

Minium quoque in scriptura voluminum antiquorum juxta *Plinii* sententiam usurpabatur, clarioreque literas, vel in auro, vel in marmore, vel etiam in sepulchris reddebat. Minio & chryfocollâ solùm sterna mandavit *Caligula*, ut scribit *Ioh. Rosinus Antiq. Roman. lib. 5. cap. 4. ex Suetonio in Caligula.*

C A P U T XXXVIII.

Ex Minera Cinnabaris posse parari Lapidem Philosophorum asserit.

EX Srio & ære simul mixtis constare Lapidem Philosophorum docuerunt cum *Paracelso* Chymicorum & Alchemistarum præstantissimi, ut *Gerhardus Dorneus in lib. de transmutat. metallor. Laur. Ventura de Lapid. Phil. cap. 7. 10. 11. & 29. David Lagneus Harmon. Chymic. cap. 1. & 3. nec non Philosophus quidam Anonymus Introduct. de Arbore Solari cap. 5. In eo Mercurius est materia, & æur est for-*

forma. Si verò sumptserimus S ur & S rium, quodlibet sicut est in sua natura, oportet nos illa commiscere, quia proportionem debitam ingenium humanum penitus ignorat, & postea coquere in solidam massam, quod nihil valet. Ideò inveniendum est quoddam corpus, in quo prædicta duo, S rius scilicet & S ur, sunt debito modo adunata; & hoc erit secretum maximum; & propter hoc iste lapis vocabitur Mirius, id est, S rius S reus. Lapis ille, qui erit S rius Philosophorum, non inuenietur in cavernis, sed erit corpus & spiritus. Corpus verò illud, in quo S rius & S ur debito modo sunt juncta, minera cinnabaris est. Ex hac lapis Philo-
 lophorum paratur. Cujus artificii modum ab initio, medio & fine jam unà cum aqua, S re, balsamo-
 que suis aperiemus. Quorum trium solutione, & rursus in unum conjunctione, totum rei negotium ad hunc modum absolvitur.

Sumatur Minera Cinnabaris, & abluatur aquâ cœlesti per tres horas, tandem coletur, & solvatur aquâ regiâ facta ex S lo, S le petræ & S le communi. Per alembicum abstrahatur, iterum affundatur, & cohobando curetur, ut purum separetur ab impuro. Putrefiat equino fimo per per mensem, & postmodum separentur elementa, ut cum signa sua patefecerint, per alembicum destillentur igne primi gradus, quo aqua & aër primò ascendunt, ac tandem ignis, idque reliquis gradibus; quæ omnia ab experto operatore discerni poterunt. In fundo vasis terra manet, in qua latet hoc omne, quod à multis quæsitum fuit, à paucissimis tamen inventum. Terram hanc reverberatorio conclusam artificialiter calcinabis, à primo in quintum gradum procedendo, gradu quolibet spatio quinque hora-

rum : hoc fiet, ut Θ l volatile habeas admodum subtile, velut alcohol, & constans astrum ignis & terræ, quod separabis per elementa aquæ & aëris, quæ servâsti prius. Tandem ponito in digestionem balnei maris octo horis, & videbis, quod multis Alchemistis hactenus incognitum fuit ac minimè consideratum. Separa juxta tuam experientiam artificiosè & spagyrico modo, reddetur ipsa terra mirum in modum alba, ex qua tinctura fuerit extracta. Coniunge deinceps elementum ignis cum Θ le terræ alcoholisato, per digestionem & pellicanicum artificium, adhuc aliud sedimentum ponet ista substantia, quod quidem à puro separabis.

Tùm demum accipe pellicanatum leonem, qui ab initio inventus est. Cum videris tincturam ejus & elementum ignis super aquam, aërem atque terram, separato per tritorium, & Θ lem ejusmodi cola per inclinationem; est enim aurum potabile. Alcoholi dulci vini perfundatur & abstrahatur, usque dum acredo nulla percipiatur amplius aquæ regis.

Separato hoc oleum Θ lis, & ponito in vas retortum, *Hermetico* sigillo clausum, ad elevationem id est, ad exaltationem, ut suo gradu dupletur. Vitrum hoc optimè clausum ponatur in locum frigidum, non solvetur ibidem, sed coagulabitur, idque tertio repetendum est, solvendo & coagulando. Hoc artificio tinctura Θ lis perficitur in suo gradu.

Tandem sumito hujus duplum de Venere ad summum & spagyrico modo præparata, ad quam elementa aquæ & aëris affundas, quæ servâras, solvito, ac putrefacito per mensem, ut prius. Et cum ad perfectionem devenerit, videbis signum elementorum: separa unum ab altero, siquidem oculariter apparet ab albo rubeum secretum. Hoc ab albo

sepa-

separabis; est enim tinctura rubea, tam potens, ut alba corpora quæque in rubedinem tingat, vel rubea in albedinem, quod valdè mirum est. Tincturam hanc per retortam urgeto, videbis nigredinem assurgere, quam iterum urgebis per retortam, idque sæpius, donec albescat. Prosequere hoc tuum opus nec animum despondeas præ nimio labore. Toties rectificato, quousque viridem leonem verum & clarum videas, ponderosum, qui tingit in aurum perfectum. Non desistas ab opere, donec signa habeas & videas leonem atque thesaurum non persolubilem. Bene sit illi qui repererit, & ad tincturam applicare noverit.

Hoc est balsamum verum astrorum cœlestium, quod nullum corpus in putrefactionem abire finit, lepramque nullam, podagram aut hydropisim in expulsas relinquit, administratione grani unius, si fermentabitur cum ♁re ☉lis. Omnia docebit ac patefaciet aquæ natura.

Sumito igitur Liquoris mineralium quantum voles, ☉lis rubearæ terræ partes duas, ♁ris ☉lis partem unam. In pellicano posita solvantur & coagulentur terciò. Hæc viâ tincturam habebis Alchemistarum, cuius pondus hoc loco minimè describendum, sed suo loco reservandum. Quicumque ☉lis astri unciam unam habuerit, & super aliquot uncias auri projecerit, proprium suum corpus tinget. Astrum ♁rii si habuerit, totum corpus ♁rii vulgi similiter tinget. Si ♁ris astrum, non ab simili modo ♁ris corpus integrum in optimum aurum tinget, inque summam & constantem perfectionem: sic de reliquis metallorum, ut ♁ni, ☉ris astris iudicandum, ex quibus eadem ratione tincturæ trahuntur.

His

His paucis primum ens metallorum & mineralium terræ fatis abundè veris Alchemistis, unà cum tinctura Alchemistarum declaratur. Nec est quod quispiam operantum deterreatur spatio temporis mensium novem, sed absque tædio progrediatur spagyricoductu, quo quadraginta diebus alchemisticis figere poterit, extrahere, exaltare, purificare, fermentare & coagulare Lapidem Alchemistarum, ad honorem Dei, cui fit laus, honor & gloria.

Tinctura hæc, ut verus Philosophorum lapis, excellentissimas super omnes lapides alios virtutes habet. Mercurium siquidem crudum in igne positum & quælibet alia metalla subito in verissimum **O**lem omni naturali meliorem convertit. Istud quoque est hujus tincturæ secretum, quod hujus rei una pars mille partes in purissimum Echeb convertat. Homines in super in suavitate & juventute conservat, repellendo ab eis cunctos languores. Leporam depellit, morbum caducum, & alias multas ferè incurabiles infirmitates mulcet, ac etiam removet. Et hæc omnia operatur plus quam omnes Medicorum medicinæ, vel potiones, vel confectiones quæcunque. Præservat etiam & protegit hæc medicina in confectis opposita, ne quis morbus eidem advenire in futurum possit. Sicquæ fit antidotum & medicina omnium corporum curandorum & purgandorum, tam metallicorum, quam humanorum. Conservat sanitatem & roborat virtutem, purgat spiritualia, purgat pulmonem, venena cuncta expellit, morbos tollit, leprosos in vino bibita paulatim curat.